

- IV. ADMINISTRACIÓN LOCAL - IV.2 MUNICIPAL - PORTO DO SON

ANUNCIO Pág. 13941 Reg. 13566-x.

[Anterior](#)

[Siguiente](#)

Ordenanzas fiscais

Aprobación definitiva ordenanzas fiscais

O Pleno do Concello De Porto do Son, en sesión extraordinaria celebrada o 8 de novembro de 2003, acordou aprobar provisionalmente o establecemento e modificación das ordenanzas que de seguido se relacionan. Unha vez expostas o público polo período de trinta días hábiles mediante anuncio publicado no Boletín Oficial da Provincia de 15 de novembro de 2003, sen que durante o referido período se presentasen reclamacións, elévanse a definitivos os referidos acordos, e procédese a publicación do seu textos íntegro, de acordo co disposto no artigo 17.4 da Lei 39/88, Reguladora das Facendas Locais.

ORDENANZA REGULADORA DA TAXA POR APROVEITAMENTOS ESPECIAIS DA VÍA PÚBLICA CON PARADA OU SITIO DE AUTOMÓBILES LIXEIROS QUE PRESTAN SERVICIOS URBANOS DE TRANSPORTE

Fundamentos legais e obxecto.

Artigo 1º .

De conformidade co disposto no artigo 106.1 da Lei 7/85, do 2 de abril; Regulamento das Bases de Réxime Local, en relación co artigo 20.B., da lei 39/88, do 28 de decembro, reguladora das Facendas Locais , modificada por Lei 25/1998, do 13 de xullo; este Concello establece a taxa por aproveitamentos especiais da vía pública con parada e sitio de automóbiles lixeiros que prestan servicios urbanos de transporte que se esixirá polo que dispón esta ordenanza e ó disposto polo Regulamento Nacional dos Servicios Urbanos de Transporte con Automóbiles Lixeiros aprobado por Real Decreto 763/1979, de 16 de marzo, modificado por Real Decreto 1080/1983, de 9 de febreiro, Real Decreto 1080/1989 de 1 de setembro, e polos artigos 141 e seguintes do Real Decreto 1211/1990, de 28 de setembro polo que se aproba o Regulamento da Lei de Ordenación dos Transportes Terrestres.

Artigo 2º .

Para que proceda o devengo dos dereitos das taxas aquí reguladas, establécense as seguintes reglas:

a) O Concello asignará un lugar determinado da súas rúas ou prazas, acondicionándolle adecuadamente, para o establecemento con carácter exclusivo dos vehículos lixeiros destinados ó servicio, urbano de transportes. Ningún outro vehículo, fora dos autorizados, poderá establecerse nos lugares reservados.

b) No lugar ou lugares reservados polo Concello manterá unha vixilancia especial por medio da Policía Local.

c) Procurarase dotar ós lugares reservados de servicios adecuados, como instalación de teléfono público.

d) Os únicos vehículos que poden estacionarse nos lugares reservados son os Auto-Taxis, do cal os titulares estean en posesión da correspondente licencias municipal, regulada nos artigos 141 e seguintes do Real Decreto 1212/1990, do 28 de setembro polo que se aproba o Regulamento da Lei de Ordenación dos Transportes Terrestres.

e) Por último, o establecemento para os vehículos afectados é obligatorio, como consecuencia do disposto no citado regulamento a índole dos servicios que prestan.

Suxeitos pasivos e devengo

Artigo 3º .

1. Son suxeitos pasivos desta taxa os titulares das correspondentes licencias municipais de Auto Taxis .

2. O devengo inicial da taxa e con elo o nacemento da obriga de contribuí xurde do feito da concesión da Licencia Municipal, nas que sinalará o lugar de estacionamento.

Unha vez obtida a licencia municipal, a taxa devéngase o un de xaneiro de cada ano.

Exencións

Artigo 4º .

Non se establecen exencións.

Cota tributaria

Artigo 5º .

Establécese a seguinte cota por cada vehículo: O seis por cento do valor do solo ocupado polo vehículo, que se fixa en oito metros cadrados. O valor do solo será apreciado anualmente pola Comisión de Goberno, previo informe técnico.

Artigo 6º .

Rexerán as seguintes normas complementarias e limitativas:

a) A cota mínima por vehículo en ningún caso será inferior a 48 euros anuais. Esta cota mínima incrementarase anualmente en 1 euro.

b) As cotas correspondentes son irreductibles por semestres, ou sexa que haberá de satisfacerse o semestre completo calquera que sexa a data de alta ou baixa do vehículo.

Normas de liquidación e cobranza

Artigo 7º .

Para a liquidación e cobro da taxa regulada nesta Ordenanza establecense as seguintes normas:

a) O cobro da taxa por este aproveitamento especial realizarase semestralmente

Por conseguinte, dentro dos dez primeiros días do primeiro mes de cada semestre, a Administración expedirá os recibos correspondentes ó semestre referidos ós titulares dos vehículos afectados.

O prazo para o ingreso en período voluntario será o que media entre o día 15 e o último do referido mes.

b) A falta de pago no expresado período pode implicar por acordo da Comisión de Goberno a caducidade da licencia municipal; esa caducidade será automática si houbese transcorrido o segundo mes do semestre sen que o pago, cos recargos consecuentes, se tivera realizado.

A caducidade non é óbice para que se prosiga o procedemento de conxinximento.

Artigo 8º .-Casos especiais:

a) Nos casos de concesións de novas licencias durante o semestre, o titular virá obrigado a pagar antes de entrar en servicio a totalidade da cota correspondente a ese semestre.

b) A substitución dun vehículo por outro non levará aparellado pago de taxa. A Comisión de Goberno denegará a autorización da substitución si a taxa do primitivo vehículo non estivese satisfeita.

c) Si o vehículo se transmitise por actos intervivos e o titular da licencia a aplicase a outro distinto dentro do prazo de tres meses, tampouco levará consigo nova taxa. Pero a Comisión de Goberno denegará a substitución si a taxa do primitivo vehículo non estivera satisfeita. Si a aplicación da licencia a outro vehículo, sempre no prazo de tres meses, coincidise con outro semestre a Comisión de Goberno denegará a aplicación sen o previo ingreso da cota correspondente o novo semestre.

d) A Transmisión de licencias nos casos en que legalmente procedan implicará a asunción polo novo titular de tódolos cargos inherentes ó primitivo.

e) A Secretaría terá a obriga estricta de comunicar á Intervención tódalas altas, baixas e modificacións que se produzcan na titularidade das licencias, así como as variacións que

por calquera índole experimenten os vehículos a fin de que sexan tidos en conta na confección dos documentos cobratorios.

Infraccións e sancións

Artigo 9º .

Como queira que os establecementos reservados están suxeitos a vixilancia, os axentes impedirán o aparcamento dos vehículos non autorizados. Os incidentes que xurdan serán resoltos pola Policía Local, sen prexuízo de dar conta a Alcaldía ós efectos das sancións e responsabilidades de tipo penal que procedan.

As infraccións regulamentarias serán sancionadas de acordo co indicado polo Código de Circulación o efecto.

Artigo 10º .

En todo o relativo a cualificación de infraccións tributarias, así coma das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

Vixencia

Artigo 11º .

A presente Ordenanza modificada comezará a rexer con efectos do 1º de xaneiro de 2004 unha vez efectuada a súa publicación íntegra no Boletín Oficial da Provincia. e continuará en vigor en tanto non sexa derogada ou modificada polo Concello ou por precepto legal.

Porto do Son, 23 de decembro de 2003.

O alcalde-presidente,

Ramón Quintáns Vila